



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nucleus Casuum Conscientiæ Sive Brevis Notitia Eorum
quæ scitu vel necessaria, vel valde vtilia sunt
Confessarijs in primo ingressu ad audiendas Confessiones**

Agostini, Giuseppe

Coloniae Agripp., 1644

De Irregularitate.

urn:nbn:de:hbz:466:1-41767

lemniter, non autem priuatim, & ianuis clausis: item priuatio Ecclesiastica sepulturæ.

4 Interdictum potest esse magis, & minus vniuersale: nempe vnius Ecclesiæ, vnius Parochiæ, vnius Urbis, & vnius etiam Regni. Agunt de Interdicto *Tolet. l. 1. c. 51. Bonac. loc. cit. disp. 5. Filliuc. loc. cit. tr. 18. Suar. de cens. disp. 32.*

5 His additur cessatio à diuinis, quæ non est propriè censura, quia non infligitur præcipuè in pœnam, sed est pura prohibitio diuinorum, siue particularis, siue vniuersalis, imposita in signum afflictionis Ecclesiæ: cum adhibitis omnibus alijs remedijs, nihil profecit: quare est veluti quædam viduitas, & luctus Ecclesiæ. De qua *Filliuc. loc. cit. cap. 7. Tolet. lib. 1. cap. 56. Bonac. loc. cit. disp. 6.*

DE IRREGVLARITATE.

6 **A**gunt de Irregularitate *Suar. de Cens. disp. 40. Tolet. l. 1. c. 57. Filliuc. tom. 1. tract. 19. Bonac. tom. 1. de cens. disp. 6. & alij. Ex quibus, ferè secundum*
com-

communiorem doctrinam, hæc, quæ sequuntur sumpta sunt.

7 Irregularitas in re nostra solum dicitur in ordine ad primam Tonsuram, & Ordines suscipiendos, vel in susceptis ministrandum: est enim irregularis ille, qui, præter communem aliorum regulam, est impeditus ad Ordines licitè, & dignè suscipiendos, vel in susceptis ministrandum, non autem in ordine ad reliqua Sacramenta. Potest accipi Irregularitas. Primò latè pro impedimento, & inhabilitate vnde cumque proveniente in ordine ad prædicta: & sic fœmina, & non baptizatus, vel perpetuò amens dicuntur minus propriè irregulares. Secundò potest sumi magis propriè, & de qua hic agendum: & sic describi potest: Est impedimentum solo iure canonico indutum, reddens hominem, secundum regulas canonicas, inhabilem, seu indignum, & non idoneum, primò ad Ordinum susceptionem, secundò ad eorum usum, iuxta varietatem Irregularitatum.

8 Dicitur impedimentum, vel inhabilitas:

bilitas: quia Irregularitas, etiam illa, quæ est ex delicto, & quæ aliquam habet materialiter rationem pœnæ; non est censura, ut sunt prædictæ: quia non infligitur ut pœna medicinalis ad resipiscendum, & ad emendationem, & correctionem, ad quæ ordinatur censura; sed ad ostendendam inhabilitatem, seu indecentiam, & indignitatem subiecti ad fines prædictos. Unde sæpè est sine ulla culpa. Dicitur, Canonicum: quia nulla Irregularitas est ab homine, sed solum à iure. Unde non incurritur nisi sit in iure expressa. Hinc fit, ut quando in Iubileis, & Bullis conceditur facultas absolvendi à censuris; non intelligatur Irregularitas, nisi peculiariter exprimeretur.

9 Si quis dubitet se esse Irregularitatem, siue sit dubium iuris, quia dubitatur an in iure sit talis Irregularitas: siue dubiū facti, quia dubitatur an in se ipso sit illud, cui adnexa est Irregularitas: si facto diligenti examine, & adhibita sufficienti inquisitione, quam omnino teneatur ille facere, si velit ad Ordines promoveri, &c. adhuc maneat dubius in foro

foro externo, quàm in foro conscientiae; potest ille se gerere tamquam non irregularem, veluti possessor bonae fidei: excepto casu homicidij iniusti voluntarij: tunc enim etiam in dubio debet se gerere vt Irregularem, iuxta Canones. *Lege Bonac. to. 1. disp. 7. q. 1. pu. 5. Sanch. to. 1. consil. lib. 1. cap. 10. à n. 47.*

10 Irregularitas in vniversum est duplex. Alia ex defectu, alia ex delicto. Hæc secunda non contrahitur nisi propter peccatum mortale, cui est adnexa, consummatum, & externum: v.g. Irregularitas ex homicidio non contrahitur per solam voluntatem occidendi, neque per quamcumque diligentiam, & operationem, vt sequatur, si actu non est secutum. Hinc sequitur ignorantiam, vel inaduertentiam, quæ excusat à tali delicto; excusare etiam ab Irregularitate. Vtrum autem ignorantia solius pœnæ Irregularitatis, excuset ab ipsa incurrenda; longè probabilius est non excusare: quia, vt dixi, non infligitur vt pœna propter aliquam contumaciam, sed propter indecentiam, & indignitatem subiecti: quæ indignitas consequitur,

posito delicto, etiam cum ignorantia
pœnæ. Licet aliqui putent, minus pro-
babiliter, excusare in foro interno.
Bonac. ibid. pun. 3. Irregularitas verò, quæ
est ex defectu, non exigit peccatum, sed
defectum.

11 Irregularitas. Alia est totalis: &
tunc priuat licita receptione, & usu om-
nium Ordinum. Alia est partialis: &
tunc priuat receptione, aut usu alicuius.
Irregularis, si ordinetur absque dispen-
satione; peccat quidem mortaliter, non
tamen ex hoc incurrit nouam Irregula-
ritatem. Item, absque dispensatione, est
incapax noui beneficij: hoc enim datur
propter officium, & usum Ordinum, ad
quæ inhabilis est Irregularis. Atque hic
est effectus secundarius Irregularitatis.
Item est incapax nouæ iurisdictionis or-
dinarie, quæ requirit usum Ordinum,
& impeditur ab usu antiquæ. De quibus
plura *Suar. disp. 40. Filliuc. tract. 19. cap. 3.*

12 Irregularitates, siue ex defectu,
siue ex delicto, multæ sunt, & ex multis
capitibus. Ego breuiter summa nomina
tangam, iuxta meum institutum, vt
Confessarius saltem sciat dubitare, &
vbi

vbi opus erit inquirere. Irregularitas ergo ex defectu, alia est ex defectu corporis: si enim aliquis tali corporis defectu laboret, qui Ordinis executionem impediatur, vt notabilem deformitatem, aut horrorem iudicio Episcopi contineat; est Irregularis. Hi autem defectus esse possunt, vel in sensibus, vel in membris, vel ex morbis, præsertim incurabilibus, vel in ipsa membrorum impropor-
tione, & monstruositate, & similibus. De quibus plura *Bonac. disp. 7. q. 2. pun. 2. Suar. & alij citati.*

13 Alia Irregularitas est ex defectu animi. Et primò scientiæ: nam illitterati, qui scilicet carent scientia ad Ordines requisita, de qua supra in Sacramento Ordinis; sunt Irregulares. Item carentes omnino usu rationis, & furiosi, & infantes. Item Neophyti, id est qui ex Iudæis, Mahometanis, vel Ethnicis, de recenti ad Fidem conuersi sunt. De quibus plura *Fillinc. lo. cit. c. 7.* Huc reduci possunt Dæmoniaci, seu Arreptitij.

14 Alia Irregularitas est ex defectu Sacramenti Matrimonij. Sic Bigamus est Irregularis. Alia ex defectu nataliū.

vt omnes illegitimi. Alia ex defectu originis : sic mancipia, & serui sunt Irregulares. Alia ex defectu ætatis, de qua dictum est in Sacramento Ordinis. Alia ex defectu bonæ famæ : sic infames sunt Irregulares. Infamia verò alia est iuris, id est per leges, aut canones posita; alia facti, quæ incurritur ex aliquo graui, & publico delicto, propter quod delinquens à Iuris Prudentibus iudicetur infamis. Alia est ex defectu lenitatis : sic ministri Iustitiæ sanguinis sunt Irregulares: & alij, qui ad mortem, etiam iustam, alterius cooperantur. De quare *Suar. disp. 47. Filliuc. lo. cit. cap. 10.* His Irregularitatibus ex defectu illud commune est, vt cessante causa, & defectu; vt plurimum cesset Irregularitas.

15; Alia Irregularitates sunt ex delicto: nempe ex delicto Hæresis, aut Apostasiæ, Homicidij, aut Mutilationis voluntariæ. Interdum etiam ex Homicidio casuali secuto, ex opere illicito. Itè ex delicto iteratæ receptionis, aut collationis Baptismi. Item interdum ex illicita Ordinum susceptione, aut ministracione, præsertim ab impeditis per

cenſuras. De quibus etiam Auctores citati.

16 Quantum ad diſpenſationem ab Irregularitate, vniuerſaliter loquendo, id pertinet ad Summum Pontificem. At verò in *Trident. ſeſſ. 24. cap. 6. de reſorm.* habentur ſequentia verba: Liceat Episcopis in Irregularitatibus omnibus, & ſuſpenſionibus ex delicto occulto proueniens, excepta ea, quæ oritur ex homicidio voluntario, & exceptis alijs deductis ad forum contentioſum, diſpenſare. Poſſunt etiam in quibusdam alijs leuioribus Irregularitatibus Episcopi diſpenſare: vt videre eſt apud Auctores citatos.

DE SEPTEM CAPITALIBUS VITIJS, & PASSIONIBUS ANIMÆ.

1 **S**eptem Capitalia vitia ſunt: Superbia, Auaritia, Luxuria, Ira, Gula, Inuidia, Accidia: quæ dicuntur capitalia, quia ſolent eſſe capita multorum peccatorum: & interdum ſunt mortalia, inter-